

Shun 17 Nov 1898

大清光緒廿四年

本館新聞除禮拜外每日出版一
紙外埠均可函致本館取
本埠外埠均可函致本館取
也如外埠閱報加寄費不
閱工本從英國採辦各書裁
惜各工本從英國採辦各書裁
刊印各書以待與各官紳
體活字及各式花邊等延有
西人排印工藝甚精所有中
印文字大小機器均用精工刊

第五千零九十七號

報叻



(號七第牌門口虱巴舊在設開館本)

印工級絕倫並延有文士書
寫各種文字現由上海購到
各種書籍出售其書目另行
刊佈所有各項原稿其有再
本館所登來札原稿其有再
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真里而後敢
將原稿收回也本館謹白

戊戌十月初四日

英一千八百九十八年十一月十七日號四拜 (每張售錢五張每季一元一月每)

延請教讀 ○啟者茲承友人託本館代延教讀先生一席其人須漳州籍且不吸食鴉片者方能
諸君有願就斯席者請至本館面商可也特此佈告
本館代啟

已亥年月份牌出售 ○啟者光緒二十五年已亥之月份牌現經印就定於即日出沽至本年所
印之月份牌係按照時憲書并參以諸家之歷細心較對無訛而且字畫玲瓏紙張潔潤繪事精細甚屬
可觀 諸君賜顧祈早 玉臨選沽為盼
本館謹啟

勸辦粵漢鐵路招商分局啟 ○啟者本分局現蒙 粵漢鐵路總辦張 委在南洋創設分局開
辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各
埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有
一切詳細章程經已另刊清摺以便 諸君取閱此乃難得之遺逢無窮之美利有志者幸無辜此機緣也
特此佈告 大清光緒廿四年九月二十九日 大英一千八百九十八年十一月十二號
勸辦粵漢鐵路分局委員吳丕球謹啟

再續振興商務條議

廣營運三條 一曰推廣小輪從來疏通商務江海宜行深水輪船河港宜駛淺水輪船今招商局船雖行
於江海各口而小輪猶未暢行中日和局已定始議於上海蘇杭設立船局然不推廣而行未足以擴充商
務也宜於各省河港一體通行專疏通內地商務如是則其利有三華商運貨水特民船陸特車馬成本重
而寬利難小輪行則消息靈通運脚亦省其利一造成後四通八達內地土產瞬息可運至各埠市面必振
商務必興其利二製造非用機器不能物美價廉但機器笨重由各口運至內地所費不資小輪行則運載
良便從此機器盛行仿造各貨可奪洋人之利權其利三有此數利小輪所宜推廣也 一曰貿易外洋西
人經商各國艱險不辭地球數萬里之遙往來自便英人尤能長袖善舞其國建於歐洲商埠偏於四洲由
西而東如珠貫絲如鏡着串高掌遠矚視萬里猶戶庭故商務節節疏通呼應靈動利之所在百計鑽營必
如其願而後止其商務所以獨步一時也我中國出口貨物皆在通商各口售於西商西商運出外洋以牟
厚利華商仰彼鼻息任其壟斷把持至今而猶不思變通何無遠志之甚乎亟宜令出洋華民先於南洋創
設輪船公司往來中外各國總局則設於上海與各國妥訂條約船鈔貨稅悉照定章不得苛索然後設行
棧於外洋自運貨色往來銷售實足以擅利權也 一曰輕減稅釐稅釐所以濟 國用不得謂為病民然
其中當有權衡彼西國商務振興皆由土產稅輕成本既微營運自遠中國稅法所以異於泰西者出口關
稅既重而又偏設釐卡任其事者大都剝削商民彼商人萬里經商費用本重又經幾番剝削遂致無利可
圖洋貨乘隙而來反得坐贏厚利無惑乎漏卮日深市面日壞也為今之計除烟酒兩項外其餘土產皆宜
減輕稅釐稅釐既輕餉源或不無窒礙則宜俟換約之日加重洋稅以補之蓋值百抽五之例原為公法所
不容日本近亦改革加重入口之稅何獨中國不可行之斯洋貨愈貴土貨愈賤華商營運自能推廣矣
勵心思三條 一曰創設公院人第見西人經營商務心計最工謀畫最遠而不知其學之有素也彼國
皆有商務院講求貿易之法製作之功故於利弊情形靡不明曉豈若華商之無學問哉宜仿其法擇商務
殷繁之處先設公院之所隨後籌集款項逐漸擴充由一縣而至數縣由省而延通曉化學算學
商學者以為師長招選學生若干人分別頭班二班三班分門學習凡製造之理航海之法凡有關於商務
者精益求精兼習各國文字語言備觀商學書籍庶可周知其物產明悉其貨殖學成以後則凡百商務大
用可以大效小用可以小效矣 一曰舉行賽會人之聰明才力非經閱歷不能深賽會之法所以資閱歷
而啓靈明也其會宜分大小小會按年一舉大會三載一行查各項商業俱有公所小會宜賽於所中大會
則南北兩洋同時並舉每屆小會將各商製成貨物送入公所羅列堂中由董事訂明會同地方官考試考
入上等中等者分別獎賞大會則由通商大臣主持先將商人送呈各物分門別類按序陳設乃分別優劣
釐定等第洋商有欲入會者准其一體與考考入上等獎以金牌中等獎以銀牌下等無獎自會之日起任
人遊玩俾各增長識見開拓心胸大有裨於商務焉 一曰維持市面華商爭勝之心貪利之念最足以弄

壞利權上市之初無不爭先運貨及乎貨物擁滯不能暢銷於是彼跌價於先此跌價於後互相爭利卒致互相失利所利者實在洋商近來絲茶亦坐此弊所宜補救也竊以為通商各口當設維持商務局派熟悉商務人員整頓商務無論何項貨物未嘗上市之先會同董事預沽本年能銷若干令各商均均採辦不得貪多市價則由董事議定逐日掛牌俾眾咸循不准私行上落違則查明重罰並貨色亦預一律認真倘有偽裝操雜等情一經查有實據立即拿辦則維持之道得焉矣謹議

美電譯登 ○本坡實得力太晤士西報接初二日英京來電云現在華盛頓風傳美國海軍提督渣里已奉廷命為駐紮歐洲海面戰艦隊之統領是緣美廷不日即欲分設海軍一隊在於歐洲以便保其利益也來電又云美國海軍大臣現經出令儼有哨集海軍以便征伐之意觀此電報則美國已有怦怦欲動之勢此其與英連合之處不問而知但美國之整備海軍將合英以握歐洲之權耶抑合英以預東方之事耶明眼人自能知之

英美電音 ○本坡實得力太晤士西報接初二日英京來電云英國各報皆力助美國割據飛獵邊島之事莫不謂美廷果宜將此羣島列入版圖云云按英美近日交好最深兩國大有連橫之勢故英報有此論說亦屬勢所必然者也

美報譯論 ○紐約來信云該處各報現論俄國侵取牛庄之事據云俄國之取據該地若仍開口通商則無可議然若取此地後即為禁絕通商是則有違中美約章美即不能緘默夫歐洲各國前所以侵華之故因其不肯將領海各地通商故也今俄若將牛莊封禁則反不如中國所為若然則中國尚為禮義之邦而俄人即不免於蠻野矣雖然俄若將此地封禁則不難激動列國出而請將此地再行通商則於俄國面目大不雅觀俄人其亦知之否乎

島酋求護 ○蘇祿一島係與小呂宋附近之區前者飛獵邊羣島屬班之時蘇祿一隅抗不服其管轄現在各島已有歸入美國之勢現聞蘇祿酋長已向美廷請為保護觀此一事則美班政治之優絀可以觀之矣

門租估定 ○本坡工部局向例每年將其界內各屋租價估核一次以便抽取門稅然所估或有不合之處准由諸人前往訴辨現在此事已由工部局出有告白通知其告白已登本報覽之便悉

投碼定期 ○昨錄荷蘭領事出有告示言寥內之烟酒餉碼不日欲再招人入票承充一事茲悉此舉經已核定於本月十五日為入票之期業由荷領事在其示內改注通知覽之便悉

納閩銀禁 ○納閩國家近設律章禁止倭銀入口茲承該處國家遞來告示一紙將其例章列出通知其示已登本報覽之便悉

英報論中國軍政 ○倫敦載拿報云英都司千文得斯前為中國軍務隨員故中國營伍之利弊知之甚悉曾著論洋洋千言頗中肯綮謂中國軍政拘於舊習不肯專講新法以致屢經挫辱勞觀殊為惋惜按中國軍分四種曰旗營曰綠營曰練兵曰戰勇合廿一行省計之不下數百萬平日操演未嘗不如火如荼及遇戰事則棄甲曳兵爭先逃遁其故何歟蓋中國素輕視兵卒其俗語云好鐵不打釘好人不當兵而身為兵卒者亦甘處下流大抵落魄江湖無資糊口華人視兵卒如此而猶望其磨厲以須一鼓作氣為國家效力疆場其可得耶未戰之際人以資育自期以為天柱可傾東海可倒及兩軍對壘不禁草木皆兵望風而逃諺云虎頭蛇尾其華兵之謂乎中東之役華人輕視日人然紅旗甫樹而華兵已四散奔逃其故因平時習練洋鎗並不施放火藥以圖節省而便便蝕倉猝有事不知火藥如何施放欲取準以斃敵人無異南轅而北轍一千八百九十五年山海關大兵聚集吳姓大帥僅於正月二號操演洋鎗一次百鎗中無一鎗中靶者所用火藥甚劣宜擊遠至三千碼者僅至三百五十碼而止二月中即行啓節與東瀛角勝有識者早知其不足為其大言則曰兵不必盡解放鎗每營祇十人放鎗可將日本兵頭全行擊斃其餘小卒不難徒手與搏矣又云華兵須分五排互換相戰每排戰二點鐘則五排可持十點鐘之久及日人既近主帥不至戎行僅令鐵路局二人前往偵探為將者膽怯若是欲其克奏膚功誠憂憂乎難之尤可笑者華帥謂戰陣時各帶胡椒末若干順風颺之以迷日人之目不知數十里外日人之砲彈已至欲以古法勝人豈非夢囂乎中國民人亦多豪傑特無善為引導之人故華兵不知自奮使中國果全改舊日軍制每年祇費兵餉九十九萬磅而轉弱為強易於反掌耳

東海要聞 ○日本來信云近者日廷勵精圖治加意改革新政水陸將校大為調動計陸軍中特選賞拔者多至一千二百餘員轉補者尚不在此數海軍亦有四百餘員舍舊謀新力返積習日人其別有深意乎○九月廿六號東京電報各處云刻下日本一舉一動俄人窺伺其旁留意詳察不稍寬懈不知是何居心也○九月廿七號又電報各處云中國逆首康有為圖謀不軌事洩後奉旨密拿駐京日公使聞之據情電達外務省外務大臣奏知日皇日皇甚為憂慮即命電達北京詳訊始末廿四號午後復遣宮內大臣借外務次官至中國駐日大臣衙門訪問一切其關心我國時事也如此錄申報

到處恭迎 ○武昌來信云日本前內閣總理大臣伊藤氏相國博文來華游歷迂道漢泉張香濤制軍委員備辦行館籌備供帳一切已登前報嗣於本月朔日將晚五點鐘伊侯乘艇材兵輪船蒞鄂在平湖門外江心下旋兩岸防營鳴炮致敬震耳欲聾制軍先期飭派小火輪

船敬謹迎迓并委清大令瑞等隨同照料伊侯登岸時乘綠呢大轎旁有護軍洋鎗隊二十餘名爲之護衛居人士夙耳英名願瞻丰采道旁觀者環若堵牆是日入城詣督署拜謁制軍暢談至一點鐘之久初二日清晨制軍親詣行館答拜并家邀赴黃鶴樓聯會隨伊侯之繙譯官四人一并邀請屆時司道各官以次咸集冠裳踴躍濟樽俎雍容直至日散始盡歡而散聞伊侯擬在鄂稍作盤桓偏在槍炮織布鑄錢各局武備自強各學堂一一勘視然後展旆東旋

論湖南通商事務 ○湖南一省聞欲將省通商並將洞庭湖開拓其中利益各報論之詳矣查湖南一省富庶甲各行省船隻在洞庭湖轉運亦極便捷長沙府城之湘河距長沙三十里已有工程師驗過中號輪船一年中有九個月可以駛至衡州吃水九尺深之淺水船則終年可以行駛長沙爲鄰省都會若將長沙開爲通商口岸於湖南全省皆有利益湘人立志甚堅然並非不喜西法且多喜與西人交涉者長沙省城已通行電燈並設書院教習英文矣第二站地名湘潭爲茶葉出產最盛之地商務較勝於長沙長沙爲首郡首縣夙稱繁劇離湘潭七十英里有一都會地名衡州輪船之吃水淺者可以入內行駛離湘河口不遠有一小鎮有水數支從此處漚流前擬將此地作爲通商口岸湘陰之地不通商務其地亦不合照通商埠常德府沿河一處極合作爲通商口岸船隻由沿河開至常德過此即不能行其地商務繁盛洋貨銷流亦廣岳州在洞庭湖口其地亦不合開雖未見與西人構贊惟款待西人禮貌似不甚周如在此間通商口岸不過湖南所產之茶可以載至岳州再由岳州換輪船運至漢口轉運較便然亦未必有大利益也洞庭湖之船隻運貨維艱若將湖南省洞庭湖開輪船可以駛行貨物運載定有利益運載便捷則漢口商務更形暢旺湖南通商既有如此大利日本人必致起而生心暗相傾奪已有日本多人整頓已國貨物使其設法多銷天倫報西七月一號

臬臬再誌 ○昨報臬堂審訊亞納人西亞里騙案尙未訊畢茲悉此案於初三日訊定惟陪審人員意見不諧因命另選別員陪訊是日又提到第五起閩人林福竊案因林前日業經認罪故命俟至是日始行科斷因科以監禁七年之罪判畢後即接訊第十三起粵人陳亞有等三人在牛車水假冒查私行劫之案刻尙未能畢訊

胎癰 ○烟癮之累人深矣乃不意愈出愈奇竟有兒在胎中亦能成癮者潮人陳姓住居加籠路其妻劉氏素染烟癖近懷六甲於本月初二晚產下一子詎墮地後眼目不啼手足軟弱狀殊困憊百端治之不效陳猛憶其妻素有烟癖或者兒在胎中成癮亦未可知爰姑取烟吸而之噴未幾兒即呱呱而啼神氣頓旺一時鄰里之聞其異者紛紛往視咸以爲得未曾有云

寥案近聞 ○前報本坡閩人吳仲謀被王大目控告其在寥內所設成廠被火將其胞弟焚斃一案前由府堂集訊命展至初八日以候寥內文書到叻提犯往訊茲接前途信息謂吳有工人二名經在寥屬之三務地方緝獲想當同案審訊也

無端被擊 ○閩人吳能以牽手車爲業初二晚在小坡亞兒巷口停車候客不意有甲乙二人至乘吳不備竟以棒當頭狠擊其一人并施老拳將吳毆打吳即鳴捕二人乃遁據吳謂二人與其向無相識究不知何故下此毒手也

檢獲流屍 ○初三早有華人屍身一具隨潮流至加東炮台前海灘之上經差撈獲送院請驗聞屍年約四旬身穿黑布衫褲惟其姓名住址則無得而知之

受傷送院 ○閩人某甲向在蔡厝港種植爲生昨早與人相爭因被毆傷頭面該兇即經遁去旋由甲赴案報聞送至西醫院中調治

府案紀要 ○近日有司探聞甘公嗎珍地方有潮人陳姓分爲甲乙兩黨時相滋鬧洵足爲閩閩之患爰於初二日下午派出暗牌總差率領全隊幹差前往查辦因而拘獲潮人陳成利陳和成陳亞社三名先由稽查軍火總差在該處第一百六十六號門牌屋內搜出鐵叉利器各三柄棍棒二條爰將潮人陳德實拘獲計共獲有四人先是稽查軍火總差爲難之勢該差以眾寡不敵姑爲隱忍因取其軍器淤泥之內搜獲甚多當時屋中之人甚眾見該差到搜軍器因而紛紛詬罵將有欲與該差爲難之勢該差以眾寡不敵姑爲隱忍因取其軍器并獲陳德實往捕房報明未幾即有巡差送一人至其人受傷頗劇詢係潮人陳亞保乃被該屋中人所毆因疑其人赴案作緣故也緣是之故乃派大隊幹差及印差等多名前往因命華人數名先行詎至則該屋中人甚眾勢頗洶洶即羣起執該華人毆打諸人乃抱頭而遁且至赴水而逃諸差至是乃紛擁而前將陳成利諸人執獲當時諸差曾見港之對岸尙有百餘人之多各執木棒鐵鎗等物勢殊兇悍諸差以其勢盛不

得已將所獲諸人帶回於初三日解至府堂審訊畢後命展至初十日再訊然府署因是之故殊切戒心連日派有印差多名在於該處嚴行
邏察以防不測云○前報暗差在小坡尚與街拘獲收贖賊贓之潮人沈昭發等五名并叻產潮人李書興以銀十五元行賄諸差因同被獲一
案初三日已由府尊訊定判沈繫獄一月李繫獄兩月餘四人係屬無辜將其省釋○閩人林乾於初二日荷有檳榔一包在粵海廟前求售為
暗差所見向前查問林不能對差乃執之同日府尊訊定判林監禁一月以抵厥辜

京報選錄

○大學士管理吏部事務臣徐桐等謹 奏為遵 旨嚴議具奏事內閣鈔出光緒二十四年八月二十三日奉 上諭張
百熙保送康有為使才實屬荒謬著交部嚴加議處欽此遵鈔出到部查臣部定例官員濫舉匪人者降二級調用私罪又由降調加等者自
一級至五級酌量遞加不得加至革職又例無正條又無可比照之例將案情詳細察覈公同定議於本內聲明請 旨等語此案內閣學士張
百熙保送康有為使才實屬荒謬謬欽奉 諭旨交臣部嚴加議處未便僅照濫舉匪人本例加等嚴議此外又別無可比照之條應否將內閣學
士張百熙從嚴議以革職私罪之處恭候 欽定所有臣等遵 旨嚴議緣由理合恭摺具 奏○大學士管理吏部事務臣徐桐等謹 奏為
遵 旨議處具奏事內閣鈔出光緒二十四年八月二十三日奉 上諭陳寶箴昨已革職永不敘用榮祿會經保薦茲據分榮祿著交
部議處欽此欽遵鈔出到部查定例九卿保薦人員不實照濫舉匪人例降二級調用私罪等語此案大學士榮祿以會經保薦陳寶箴自請議
處欽奉 諭旨交臣部議處請將大學士榮祿照濫舉匪人降二級調用私罪例議以降二級調用係私罪毋庸查加級紀錄議抵所有臣等遵
旨議處緣由理合恭摺具 奏○頭品頂戴浙江巡撫臣廖壽豐跪 奏為浙東礦產商認籌借資本開採設立公司援照山西章程請 旨
准予開辦以擴利源恭摺仰祈 聖鑒事查浙東各府屬多山之區煤鐵等礦時露苗資就地貧民無力延聘礦師勘驗或以土法挖取獲效甚
鮮地利未免委棄盡經臣遵 旨招商集資開辦以需款較鉅駭難籌集迄無成議茲據在籍分省補用知府高爾伊稟稱魯豫兩省礦務奉准
貸欵開辦並總理衙門核定山西商局與福興公司所立合同內有他處用洋款開採各礦一律仿照之條浙東高爾伊稟稱魯豫兩省礦務奉准
約估與辦需銀五百萬兩擬請設立浙新公司借貸洋款以備之煤鐵溫處之鐵交相為用利益廣收已向義國惠工公司商人沙鏢納貨欵五
百萬兩訂立合同並取義國公使薩爾瓦葛保欵單一切悉遵省礦章程辦理呈送章程合同保單懇請奏咨開辦等情當經電商總理衙門一
面先將章程合同保單備錄咨送察核在案查高爾伊家道殷實商務熟諳其貸欵請開辦嚴溫煤鐵各礦已與義商訂立合同取有保單自
非空言可比且浙西杭州等屬亦有礦山高爾伊請立浙東公司擬改名寶昌公司飭令先遣礦師勘定何鄉何山何種礦產繪圖貼說查與該
地方情形無礙方准開採將來辦有成效即令設立推廣現核所擬章程與總理衙門抄發省礦章程悉屬相符相應請 旨准予開辦以擴利
源除分咨外謹恭摺具陳伏乞 皇太后 皇上聖鑒訓示謹奏奉 硃批著督辦鐵路礦務局大臣會同總理衙門妥議具奏欽此

工部局告白 ○啟者茲本局所估一千八百九十九年本坡工部局界內各屋全年屋稅以便抽取門租者其冊現列出存於勞民
申路本局寫字樓內以便價稅之人到閱除禮拜外每日均可到本局寫字樓內觀看而本局員當於一千八百九十八年利心末月廿一號即
華十一月初九日禮拜三下午三點鐘在本局寫字樓內會集以便聽斷價稅之人前來告訴所估之價或有不公之處倘逾此期即將其冊止
結又凡欲訴所估門稅有不合之處者務當具字於所定聚會之日十四日以前通知或至是日前來當堂訴辨以便將冊再行更正均無不可
特此佈告 大英一千八百九十八年十一月十七號 工部局副司理人棉惹丞承命謹啟

納閣憲示 ○大英欽命納閣等處地方輔政使司下列為通知事照得現奉 督憲岑佛札知特將西一千八百九十八年本國家所
立第二條禁止日本銀元入口之律欵列登如左
一 此律名為一千八百九十八年禁止載運日本銀元入口之律
二 自一千八百九十八年怒民末月二十號以後即不准諸式人等載運日本銀元前來本屬各口內
三 甲如有載運日本銀元入口其銀至二十五元以上者即罰銀五百元若其銀在百元以上則除罰款外應再監禁六個月
乙如有載運日本銀元入口在二十五元以上者當由巡理府判將其銀充公
丙凡有商民人等載運日本銀元而路經本處者如奉有本國家所給之憑照即不得照此律辦理
四 凡諸巡理府及太平局紳若遇有人前來通報立有字據按其所報向可相信者若言有人私載日本銀元五十元以上而有違是律者該
府或太平局紳可以畫押發票命人前往按照所報之處搜視若果搜得此項銀元可以暫行繳存以候移送公堂審訊
五 凡諸商民有違此律之第三款者凡屬府署員役均可隨時拘捕無庸票據
六 所有巡理府審辦違犯此律之案可將所罰項內酌撥若干以為賞給線人之勞

大英一千八百九十八年怒民末月七號 示

聲明告白 ○啟者本號在望江馬丁街即水廊頭街門牌第六十五號六十六號開創木棉公司生理僱用西人名令士料理公司事務至以買賣棉花事宜須到本號商酌所有單件必要蓋本號圖章為準此佈 光緒廿四年十月初四日 協裕生謹白

憲 大英欽命新嘉坡輔政使司 為招供物料事照得本坡及檳榔嶼麻六甲三府各衙署所用之物茲欲招人入票承充為此示仰商民人等知悉汝等有欲承供各物者可於西本月廿八號即華十月十五日以前入票其在本坡則投交本署在嶼甲兩地則交到參政司署以憑選擇而此票之格式紙可到本署取討以便照填其在嶼甲則向該處參政司署取討至於所用各物可向本坡國家於西本月十八號所出之憲報觀之便能知悉各宜踴躍慎勿觀望特示 大英一千八百九十八年十一月十六號 一 示

荷蘭國駐叻總領事官告示 ○大荷蘭國駐紮新嘉坡總領事官尼域 為招承餉碼事照得寥內一千八百九十九年之烟酒餉碼定於西忽民末月廿八號即華十月十五日再行招商入票承辦并非在於公眾之前投充特此預行佈告 西一千八百九十八年十一月十四號 示

快捷火船行期 ○啟者茲有英國紗隆公司新快輪一隻名司馬南勝堪裝五千墩船上一號二號峇釐俱有客位甚是寬闊客落二笨四天準到香港夜設電燈火食公司茶水充足准期於本月初四日到叻初五日即往香港上海倘諸君如欲拆單者請至馬街本號相酌是此佈荷 大清光緒廿四年十月初一日 代理人鴻盛號謹啟

失印聲明 ○啟者茲做號留美火船本月初一日到叻有遺失新留美輪船船口印乙個嗣後此印作為廢物今做號再刻留美輪船船口一印惟少一新字為憑以免後日魚目之混謹此佈知 光緒二十四年十月初三日 豐源號謹啟

退股告白 ○啟者省港泗廣安號全盆生意朱祝宸名下應沾之股份一概頂與黎伯堂承受其本息銀兩即日清算交易清楚所有廣安號欠各號來往貨賬揭借等項與日後及生意盈虧均為廣安號黎伯堂自理與弟等無涉特此佈告 朱祝宸謹啟

承頂聲明 ○啟者省港泗廣安號全盆生意朱祝宸名下應沾之股份一概頂與弟等承受其本息銀兩即日清算交易清楚所有廣安號欠各號來往貨賬揭借等項與日後及生意盈虧概為廣安號弟等自理均與朱祝宸無涉特此佈告 黎伯堂謹啟

承頂聲明 ○啟者星嘉坡漆木街廣泰號全盆生意黎伯堂黎伯齊二人名下應沾之股份一概頂與弟等承受其本息銀兩即日清算交易清楚所有廣泰號來往貨賬揭借等項與日後及生意盈虧概為弟等自理與黎伯堂黎伯齊二人無涉特此佈告 朱祝宸謹啟

退股聲明 ○啟者星嘉坡漆木街廣泰號全盆生意黎伯堂黎伯齊二人名下應沾之股份一概頂與朱祝宸承受其本息銀兩即日清算交易清楚所有廣泰號來往貨賬揭借等項與日後及生意盈虧均為廣泰號朱祝宸自理與弟等二人無涉特此佈告 黎伯堂黎伯齊謹啟

輪船啟行 ○茲有日本正期四枝桅火船一隻名曰因那巴魯定于本月初八日到叻準初九日開輪前往香港 日本等處四天可以抵香 諸君有欲搭客付貨者請至衣箱街做號相商價甚相宜謹此佈告 衣箱街源順公司謹啟

輪船啟行 ○茲有毛娘新火船一隻名曰朕界定于本月初四日到叻準初五日啟輪前往香港 廈門 上海等處睡位寬闊火食茶水充足 諸君有欲付航者請至衣箱街做號相商便得特此佈聞 衣箱街源順公司謹啟

頂受聲明 ○啟者新嘉坡烏丹律門牌第一百五拾八號新泉源號酒米什貨生理原係林玉珍勤昆記二人開創向無所異茲因勤昆記志圖別業願將自己所得股份頂與林玉珍承受同請公親吳清爾老爺駕臨秉公核算明白所有應得本利即日當堂如數交訖嗣後生理盈虧與退股人無涉至於勤昆記有與人來往賬目等項均限一禮拜內前來理會屆期不來是為自誤與承頂人無干特此聲明免致後論 此佈 光緒廿四年十月初三日 林玉珍謹啟

光緒廿四年十月初三日

大荷蘭總領事示 ○大荷蘭國駐叻總領事府兩城 爲通知事照得西本年爪亞國家有羔丕九萬九千二百二十八担欲爲拍賣如欲知其拍賣之期及一切詳細情形者可至本總領事署內詢問便得特此諭知 西一千八百九十八年八月六號 示

藥店召頂 ○啓者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒廿四年七月初三日 叻報館代啓

堪輿妙術 ○即用訓導林明良茂才闔之永春人也術擅堪輿爲人忠厚樸誠世以地理著名茂才既得祖傳兼承異學不惟尋龍點穴獨具隻眼裁法幹旋別有匠心即斷土色論吉凶詳燥濕歪斜亦無不如响斯應六月間爲陳合春裁擇佳壤延請地師不少獨茂才所斷毫釐不差足信學有淵源名不虛著即楊曾再生亦不過是現寓微齋內凡有志求牛眠佳穴者請嘗試之方知予言不謬也特此佈告 集文齋主人林永達謹啓 光緒二拾四年九月拾三日

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟爲致究者 諸君賜顧請移玉至本館面商可也 大英一千八百九十八年七月一號 本館謹啟

精製眼鏡 眼科之理甚微筆難述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝 併此佈告 西歷一千八百九十八年十一月十號 刺沙勝士謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售 大清光緒廿四年六月廿九日 時雨軒主人謹啟

棧間出稅

茲做號有新棧二間座落豐榮火確邊上落水極便長一百十二脚氣闊三十六脚氣如諸商翁要租者祈移玉到做號內相商 此佈 光緒二十四年九月十八日 豐源號謹啟

敬告

張君鶴棲鄰江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換鵝焉可 光緒二十四年九月初六日 友蘭居士陳少亭佈



豐源號 本號輪船往來各埠船期開列如左 在各埠往實叻日期 由麻六甲往芙蓉每逢禮拜二六日中午十一點鐘開行 由各埠回實叻之日 由麻六甲回芙蓉每逢禮拜二五日上午十點鐘開行 各輪船在叻往麻六甲吉隆坡實蘭午 等禮拜五日三點鐘開行特此佈

在實叻往麻六甲每逢禮拜一五日下午四點鐘開行 由芙蓉往吉隆坡每逢禮拜二六日下午六點鐘開行 由吉隆坡回芙蓉每逢禮拜二四日下午四點鐘開行 由麻六甲回實叻每逢禮拜二五日下午四點鐘開行 豐源號謹啟

蜜酒出賣

烏密酒發賣


馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固並用

所喜購而本行每年所沽亦殊不鮮茲特為之錄佈倘諸君有惠顧者祈即玉臨選購為盼
大英一千八百九十八年正月一號
大清光緒二十三年十二月十八日

有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉臨選購為盼
明嗎也洋行謹啟

啟者本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往加勝巴三寶瓏泗里末望加錫檳榔嶼日理等處其他埠均能運往並此佈聞
大英一千八百九十八年正月一號
光緒廿三年十二月十八日

啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈
英一千八百九十八年正月一號
光緒廿三年十二月十八日
明嗎也洋行謹啟



三品出品

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內有小紙包頭註明華字新嘉坡明嗎也者始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸
英一千八百九十八年正月一號
大清光緒廿三年十二月十八日
明嗎也洋行謹啟

